

此書爲吾

(第二冊)

師尊準備說三次大法之綱要草案。全部三冊。先將首冊發行。藉以訪求知己。同仁等知道。真能說大法。驚天地。動鬼神。關係重大。必要有乾坤二道。中外知己。爲己

敏求知己

成人。知書中之意。虔誠請求。人事與天象合一。則大法說出。救正人心。消除大劫。開萬世太平。○如有知己。捐印此書。或行禮儀者。芳名列入書中。永垂不朽。凡有請願三次大說法者。可將姓名住址。通知本社。以便郵寄。

敏求知己第二冊

第一編

敏求知己小說法

八月初一日

第一章

發端

天地間事。至誠辦之。有志竟成。卽如今日。第三次說法。本爲將來大同世界之漸端。有絕大關係。初初成象時。人甚少。所以說人事一半。天事一半。從六月十八吾發啟此事。每星期講演爲己。發明古道古學之大端。生等有至誠。感動天道。在地成形。在地成形。本屬人事。人事上關係。較天象還進一層。天象虛。人事實。無人事不足。以見天象。故曰盡人合天。天人合一。辦事有由。天象而人事者。此名之曰自然。以太空中含繫得有象。能使人動想。祇要想得到。

之事。則能辦得到。辦到卽消。爲前因後果。惟從仁智上盡人合天。合了清明無上之天。辦到之事。則萬世千秋。因此象眞無幻可言。論此次說法能聽。其手續很難。因天象未成。純在仁智上辦。故初教生等發心。還要拈甲子。看無爲中準不準聽。今日何以有如此便宜。因天下無道久矣。數千年無人所辦之事。需人孔急。故我們有一分至誠。上天有萬分感應。卽以山東曲阜聖廟說。聖人還座板橙。佛家都坐蓮花。常云禮儀三百。威儀三千。凡說法必要整齊。你看佛說法。上天下地。舉皆震動。天女散花。龍女獻寶。四衆八部。各界菩薩。俱來擁護。儒爲萬世師表。闡然日章。此回爲集萬教大成。不過先爲預備。以因緣說。不知幾千年因緣。爾等方有今日。

以元音說。是要由大同而歸極樂。看不稀奇。實爲大任。今日諸天諸地能聞法音者。皆爾等之齊心懇請所致。吾懇請書中有幾句話。甚有關係。見得爾等心誠。能舍身成道。故也能感動天心。而開法會。晰言之。能說法之原因有四。

第二章 說法四因

第一因 社中弟子齊心合一。懇請說法。一可說也。

第二因 現今地天泰乘權。天下有道。有人替道說法。可以挽回世運。救正人心。卽君子修其身而天下平。二可說也。

今年甲子泰來否去。爲天下有道之時。不過君子尙未出而治世。其間陽氣未盛。陰氣爭衡。非說法不能消除天地災害。如水火刀

兵瘟蝗盜賊等等有人代天說法。即可挽回世運。救正人心。如孟子云。君子修其身而天下平。正守此道。一人說法修身。尚可平天下。何況我們師弟許多人一齊發心。所說之法。卽心法。自然有效。

第三因 八月朔日。正合吾所定大成禮拜之禮拜日。無爲合度。

三可說也。

吾嘗口問心。心問性。性問天。問何時可以說法。忽然覺到八月初一。當檢曆書看。不但日干吉。而且土精帶曜。并與我們星期講演相符合。天機湊合。可見一斑。

第四因 吾是上元甲子生。今到中元甲子。二甲合一。六十年前志願已了。六十年後志願復生。今日立終始行。四可說也。

三元之運。曆象昭垂。但元中有元。人多誤會。人云皇極經世。誤推甲子六十年。故有疑。今爲下元甲子者。不知從古傳來。風鑑家俱以爲中元甲子。二說並行。莫衷一是。其實元元元三元還是一元。一元中有三元。前清欽天監衙門。曾經聲明。同治三年爲上元甲子。吾今依卦數家言。今年甲子爲乾宮大雪節中元。吾是乾宮大雪節上元甲子所生。今年甲子重逢二甲合一。去年以大同貞諦說法。今年四月朔日。母難之期。又以笑道歸元說法。夙願已了一半。今講天人合一之學。好古敏求。爲天地造大同開首人材。立終始行。豈得無言。故曰可說法也。以上四因。譬諸四大假合而成天地。天地有四都可以成。何況無爲有爲。不期而遇。故可說法。

此次說法。關係至鉅。天德王道俱在其中。故先明宗旨。講古之學者爲己。前數星期已將古學古道。好古敏求。爲己之貞義。解釋一過。今之人爲己。只知凡軀之己。爲假己。不知性命之己。爲貞己。古道爲己。爲貞己。凡軀之己。亦在其中。不但能保凡軀之己。并能保合天地太和。保天下人之生命財產。卽孟子所謂萬物皆備於我。反身而誠。樂莫大焉。此爲己之學。在先天講難明。自人情中看。爲己甚小。不知天地還是一己。天地間最小之物。卽有最大對待。今學爲人。道爲己。任古學爲己。道卽是己。甚至道由己生。古道爲己。豈不大哉。故曰爲仁由己。好古敏求。未臻上聖焉。知爲己。今日古道爲己說法。不過作個先河。爲小小說法。引起將來大說法。爲天

下國家之一大事因緣。我今日講爲己之學。爲天下造開首人材。爲敏求知己。故預備第三次說法大綱如左。今晚卽依此略說之。

第二編

敏求知己預備第三次大說法草綱

第一章

聞法四要

聞者聲入心通。如顏子聞一知十。子貢聞一知二。曾子聞一貫則唯。聞聖人之文章。則知大經大法。聞聖人之性與天道。則成聖成賢。將來說爲己大法。能聞而敏求者。其重要有四。

第一要

知無爲有爲之貞禮

顏子云。有爲者亦若是。孔子云。無爲而治者其舜也。與。中庸又云。無爲而成。究竟何爲有爲。何爲無爲。佛亦云。有爲法。無爲法。儒之

有爲無爲。究與佛有無差別。吾於六十年前。所講半都有爲。亦說有爲無爲之重大區別。諸生聞之。究能了然否。並能實行實德。證實有爲無爲之關係否。今再說明。去年所傳黃中心法。爲后天黃中。從有爲去找無爲。知有爲無爲之關係。此次所傳禱告法。爲先天黃中通無爲有爲之心法。非得此心法。不知好古。不能敏求。縱知好古。不知無爲有爲一貫之貞禮。不能止於至善。爲己敏求。爾等將此次禱告法體諸身心。深信不疑。遵吾前講之次第。切實禱告。庶可將來聞大法時。一點便成。不啻猶龍得水。變躍飛騰一般。

第二要

知古之學者爲己之貞禮

古學卽新學。古道卽師道。故曰溫故而知新。可以爲師矣。古道之

師爲天地人物之綱領。天地人物。不啻師道。凡軀之已。故太上云。吾將鎮之。使民無欲。天生蒸民。有欲。師道能使民無欲。又曰。先有吾神。後有天。不但道卽是己。己卽是道。並居三清之上。爲道之祖。古道中無有對待。就是爲己而已。爲天地人物之凡己。爲天下萬世。以及萬諸天地之小己。何其小哉。此不過說貞禮中之一二。諸生得古學之門徑者。當自求之。

第三要

知後天學而知之爲學之貞禮

吾十有五而志於學。爲後天之學。大學之道在明明德。爲後天之學。學而時習之。不亦說乎。爲後天之學。自古聖賢除孔子有予而外。皆是由後天之學。去學先天古道。有子好古道。故似聖人。孔子

沒門人欲以夫子事之。夫子云我非生而知之。不是生知之流性。靈不昧。如世之神童。所見不遠不真。又非有生以後好學而知。由好古敏以求之。故集羣聖之大成。爲萬世師表。繫明明德一句。皆曰古之欲明明德於天下。由古至今。憑空直下。學有兩盤。一下學上達。一由古至今。先後天貞禮。今略爲辯。

第四要

知先天好古敏求之貞禮

後天好古。爲太上之道。先天好古。爲爲己之學。何以敏求。譬如遊子離家既久。轉徙流離。不知歸處。忽聞其家。富有倉廩府庫。卽在目前。其父望之。勢若痴狂。孝心痛於中。饑渴迫於外。焉得不捷足歸寧。敏求道路。天行健。君子以自強不息。卽是好古敏求。

以上四者。貞實知道。方能辦爲己之學。聞法大要。

第二章

聽法須知

第一項由上上乘說法。卽是無爲古道。從古以來。無爲之中。無所不爲。在道家爲無言之教。釋家爲不可說不可說。儒家爲予欲無言。

古道說法。若從上上乘說。則爲不可說不可說。只可爲大菩薩說。始教菩薩尙不可說。何況羅漢更不可說。若大菩薩則又不必說。惟有好古敏求。須臾卽到。邃古以來。天地如是生。如是成。故孔子云。天何言哉。四時行焉。百物生焉。天何言哉。在道家爲無言之教。爲古道無爲。無爲者無所不爲。大無爲也。大有爲也。未有道生天。

地以前。卽是如此。不假安排。而生生化化。無已無窮。故名古道。

第二項孔子曰。假我數年。五十以學易。可以無大過矣。後天學易。易者一也。無爲有爲一貫之教。先天學易。卽是性與天道。不可得聞。化爲後天。卽是乾元亨利貞。無爲化出有爲。陰陽也。五行也。甲子也。八卦也。神機鬼藏也。無爲中假手有爲。故有言也。卽有爲之說法也。是以八卦中能知天道動機。能知人間禍福者。因有爲之貞性。還無爲之貞主宰。故知之。

學易卽學道。先天學易。卽是古道。無爲上道。先天學易。卽是性與天道。生天生地。生人生物。貞主宰。其體無爲而無不爲。後天學易。卽是五十以學易。易者一也。先天後天一貫。有爲無爲一貫。天

事卽人事。人事卽天事。故云可以無大過。大過者非必殺人放火之謂。不知者爲大過。以惡爲能者爲大過。如今之偉人領袖。終日昏昏洋洋得意。自以爲上等人格。究竟知過否。損人利己。假公濟私。得手便爲榮。還知什麼。叫過。心中已經蒙蔽了。靈性已經墮落了。並不知道自己之學說行爲。足以生心害政。發政害事。貽禍無窮。而反自以爲是。過莫大焉。人只要有點良心。尙能知過。知過乃能改。今人並良心而亦無之焉。知有過。不知過。卽爲大過。五十以學易者。卽孔子吾十有五而志於學。三十而立。四十而不惑。五十而知天命。知命之人。心中開朗。方知大過。諸事戰戰兢兢。知有一個大無爲。如大明鏡。上下四旁照着。絲毫難避。天地萬物雖萬變不

出其範圍。此乃謂之易。若文王八卦。皆是後天之易。伏羲八卦。亦成對待流行。其中有陰陽。有五行。有甲子。有神機鬼藏。尙非爲己之道。非真正易學。真正易學。易者一也。參乎吾道。一以貫之。極其簡單。有爲無爲。一貫。先天後天。先天一貫。故曰天得一以清。地得一以寧。人得一以貞。萬物得一以亨。以成界居先後天之交。反先天則無。無爲而無所不爲。達後天則變。卽一生二。二生三。三生萬物。三畫成乾。乾元亨利貞。生生不已。故云易字從日從月。日往則月來。月往則日來。而四時成歲。都在後天說。此次講無爲古學。卽一貫之傳。爲升堂入室之教。現在無非預備。知其不可而爲之。蓋以泰運初開。非此不能消除天地諸毒害。故不可說而說之。在

孔門爲一貫心傳。在佛家爲拈花一笑。說到這個一字。眞講不得。何爲一。今日不敢講。只可說一生二。二生三。在天爲乾。君子終日乾乾。反復其道。首一乾卽無爲。二乾生出有爲。有爲合無爲。無爲就有爲。故曰夕惕若厲。无咎。兩乾字在先天爲乾坤。在後天爲陰陽。在人爲夫婦。乾坤亂則天地昏。陰陽亂則災變出。夫婦亂則世界不平。故前言夫婦一倫。將來要講究。以易說有乾則有坤。乾坤合一。陰陽偕和。纔有八卦。今日講陰陽八卦。以爲易。已脫胎爲有爲易矣。易不可見。見乾坤。乾坤不可見。見陰陽。陰陽不可見。見五行。五行在先天不可見。在後天則可見。見之於八卦之中。陰陽對待。五氣流行。能管先天後天。一切生成異滅之妙用。如中庸云。禍

福將至。必先知之。見乎蓍龜。動乎四體。你看人有好氣色。則有喜事。搖卦亦知吉凶。悔吝。算命亦知前因後果。君子趨吉避凶。明乎神機。研其鬼藏。亦可已矣。何以要講古學。如算命祇知甲爲木。己爲土。甲己化土。亥卯未會木局。在先天不知何以爲木爲土。何以化土。何以成木局。祇知其當然。不知其所以然。古學中可知其所以然。明道成貞者。不可不研究。

第三項能明無爲有爲。方知孝弟爲仁之本。卽能知己爲己。卽儒之古之學者爲己。吾今將爲己之學。由下下乘說法。

知有爲。明無爲。知無爲。明有爲。兩者相成相反。各是其是。精義入神之處。非得有爲無爲之心法者。難以知。難以明。所以去年教爾